

	<b>TAMANG SAGOT (TS)</b> <b>Gabay sa tamang pag-unawa sa PhilHealth Circular</b>	
	<b>Circular No.</b>	<b>2024-0004</b>
	<b>Title</b>	<b><u>Implementation of an All Case Rates-based Global Budget in HCPN Demonstration Sites</u></b>

Tanong	Sagot
1. Ano ang Global Budget?	<p>Ang <i>global budget</i> ay isang paraan ng pagbabayad kung saan ang isang <i>insurer</i> ay magbabayad ng halagang akma sa mga napagkasunduang serbisyong ibibigay sa loob ng nakatakdang panahon.</p> <p>Dahil ito ay prospective, ang bayad ng insurer ay ibinibigay sa health facility bago pa sila makapagbigay ng mga serbisyong pangkalusugan.</p>
2. Ano ang ACR-GB?	<p>Ang <i>All Case Rates-based Global Budget</i> o ACR-GB ay isang paraan ng pagpopondo ng mga <i>inpatient</i> na serbisyong pangkalusugan sa pamamagitan ng pagbibigay ng <i>global budget</i> sa mga pasilidad na kabilang sa isang <i>Healthcare Provider Network (HCPN)</i> o nakontratang indibidwal na pasilidad (Apex hospital). Ang Global Budget ay kukwentahin mula sa All Case Rates ng PhilHealth.</p>
3. Ano ang layunin ng ACR-GB?	<p>Para masuri ang prospektibong pamamaraan ng pagbayad para sa mga serbisyong pangkalusugan at makakalap ng impormasyon sa proseso bilang paghahanda para sa <i>Diagnosis Related Groupings (DRG)-based Global Budget na minamandato ng UHC Act sa PhilHealth (Section 18b, RA No. 11223)</i>.</p>
4. Ano ang saklaw ng ACR-GB?	<p>Mga pasilidad na kabilang sa o nakontrata para sa <i>Healthcare Provider Network Demonstration Program</i> kung saan ang mga bagong reporma ng PhilHealth alinsunod sa UHC Act ay ipatutupad sa mga <i>sandbox sites</i> na pinili ng Department of Health. <i>Kasama rito ang mga infirmaries, level 1-3 hospitals, at Apex hospitals na nasa loob ng isang HCPN.</i></p>
5. Paano mapapabilang ang isang pasilidad sa ACR-GB?	<p>Ang mga pasilidad ng isang HCPN ay kinakailangang magsumite ng Letter of Intent kasama ang iba pang nakasaad na dokumento sa Local Health Board o Managing Board ng kanilang Network. Lahat ng aplikasyon ay pagsasamahin at ipapasa sa kinauukulang PhilHealth Regional Office (PRO).</p> <p>Ang mga Apex Hospitals na kabilang sa HCPN ay maaaring direktang magsumite ng kanilang aplikasyon sa PRO.</p>



**TAMANG SAGOT (TS)**  
**Gabay sa tamang pag-unawa sa PhilHealth**  
**Circular**

<b>Circular No.</b>	<b>2024-0004</b>
<b>Title</b>	<b><u>Implementation of an All Case Rates-based Global Budget in HCPN Demonstration Sites</u></b>

Tanong	Sagot
	Ang mga detalye at timeline ng mga prosesong ito ay iaanunsyo ng PhilHealth sa pamamagitan ng isang opisyal na pahayag o PhilHealth advisory.
6. Ano ang basehan ng pagkwenta ng <i>global budget</i> ?	<p>Ang <i>average ACR claims records</i> sa loob ng nakaraang tatlong taon bago ang pagpapatupad ng polisiya ang magiging basehan sa pagtukoy ng halaga ng <i>global budget</i> at ang bilang ng mga pasyenteng kinakailangang mabigyang serbisyo.</p> <p>Halimbawa: Ang <i>global budget</i> ng isang <i>health facility</i> para sa taong 2025 ay base sa mga datos mula sa mga taong 2022-2024.</p>
7. Magagamit ba ang bagong Case Rates sa pagkwenta ng global budget?	Ang <i>rationalized</i> o ang mga bagong Case Rates ang gagamiting basehan sa pagkwenta ng <i>global budget</i> . Kasama rito ang pagtaas ng 30% para sa lahat ng mga kaso (PhilHealth Circular 2024-0001) at ang pagbabago ng mga benepisyo para sa mga sumusunod na kaso: <i>Pneumonia High-risk</i> (PhilHealth Circular 2023-0027), <i>Acute Stroke</i> (PC 2023-0021).
8. Ano ang schedule ng pagbabayad sa health facility sa ilalim ng ACR-GB?	<p>Sa ACR-GB, ang mga kalahok na pasilidad ay mababayaran ng tatlong (3) beses o <i>tranches</i> sa loob ng itinakdang panahon:</p> <ol style="list-style-type: none"> <li>1) Ang <i>first tranche</i> o ang ibababang pondo sa unang araw ng kontrata ay katumbas ng 60% ng pangkalahatang <i>budget</i>.</li> <li>2) Kapag nagamit na ang 60% ng <i>first tranche</i>, magbababa muli ng katumbas sa 30% ng pangkalahatang <i>budget</i>.</li> <li>3) Ang natitirang halaga ay ibababa kapag nagamit na ang 80% ng naunang mga <i>tranches</i>.</li> </ol>
9. Ano ang proseso ng <i>reconciliation</i> at para saan ito?	Ang <i>reconciliation</i> ay ang proseso kung saan kukwentahin ang natitirang halaga mula sa <i>global budget</i> para malaman kung ano ang mga natipid ng health facility ( <i>efficiency gains</i> ) at ano ang budget na hindi nagamit ( <i>unutilized budget</i> ). Ito ay magaganap sa pagtatapos ng <i>contract term</i> .